

**MINISTARSTVO ZDRAVSTVA
ZENIČKO-DOBOJSKOG KANTONA**

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“, broj: 12/03, 34/03 i 65/13), člana 64. stav 5. alineja 3. i stav 8. Zakona o zdravstvenoj zaštiti („Sl. novine FBiH“, broj: 46/10 i 75/13) i Standarda i kriterija za izbor i imenovanje člana Upravnog odbora JU „Dom zdravlja sa stacionarom“ Olovo i JU „Aquaterm“ Olovo, predstavnika Ministarstva zdravstva Zeničko-dobojskog kantona, čiji je osnivač Općina Olovo broj: 11-30-7454-1/21 od 22.10.2021. godine, Ministarstvo zdravstva Zeničko-dobojskog kantona objavljuje

JAVNI OGLAS

za izbor i imenovanje člana Upravnog odbora JU „Dom zdravlja sa stacionarom“ Olovo i JU „Aquaterm“ Olovo, predstavnika Ministarstva zdravstva Zeničko-dobojskog kantona

Objavljuje se javni oglas za izbor i imenovanje:

1. Jednog člana Upravnog odbora JU „Dom zdravlja sa stacionarom“ Olovo, predstavnika Ministarstva zdravstva Zeničko-dobojskog kantona.
2. Jednog člana Upravnog odbora JU „Aquaterm“ Olovo, predstavnika Ministarstva zdravstva Zeničko-dobojskog kantona.

Mandat člana upravnog odbora JU „Dom zdravlja sa stacionarom“ Olovo i JU „Aquaterm“ Olovo, predstavnika Ministarstva zdravstva Zeničko-dobojskog kantona, traje 4 (četiri) godine, uz mogućnost ponovnog imenovanja u skladu sa zakonom.

Član upravnog odbora navedenih zdravstvenih ustanova, ima pravo na naknadu u skladu sa aktom osnivača, a naknada se isplaćuje iz sredstava zdravstvene ustanove.

Opis pozicije

Djelokrug rada upravnog odbora propisan je članom 65. Zakona o zdravstvenoj zaštiti („Sl. novine FBiH“, broj: 46/10 i 75/13).

Upravni odbor donosi statut, imenuje i razrješava direktora, odnosno v.d. direktora zdravstvene ustanove, utvrđuje planove rada i razvoja zdravstvene ustanove, utvrđuje godišnji program rada, donosi finansijski plan i usvaja godišnji obračun, donosi opće akte o unutrašnjem uređenju i sistematizaciji poslova i druge opće akte u skladu sa zakonom i statutom zdravstvene ustanove, odlučuje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove, usmjerava, kontroliše i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog statutom zdravstvene ustanove, odgovara osnivaču za rezultate rada zdravstvene ustanove, odlučuje o prigovoru zaposlenika na rješenje kojim je drugi organ, određen statutom zdravstvene ustanove, odlučio o pravu, obavezi i odgovornosti zaposlenika iz radnog odnosa, podnosi osnivaču najmanje jedanput godišnje izvještaj o poslovanju zdravstvene ustanove i vrši druge poslove u skladu sa zakonom i statutom zdravstvene ustanove.

Imenovanje kandidata na poziciju člana Upravnog odbora JU „Dom zdravlja sa stacionarom“ Olovo i JU „Aquaterm“ Olovo, predstavnika Ministarstva zdravstva Zeničko-dobojskog kantona, vrši Općinsko vijeće Olovo, na prijedlog ministra Ministarstva zdravstva Zeničko-dobojskog kantona.

Kandidati za imenovanje na poziciju člana Upravnog odbora navedenih zdravstvenih ustanova, moraju ispunjavati opće i posebne uvjete.

Opći uvjeti za imenovanje

1. da su državljani Bosne i Hercegovine,
2. da su stariji od 18 godina,
3. da nisu otpušteni iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
4. da nisu obuhvaćeni članom IX stav 1. Ustava Bosne i Hercegovine,
5. da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH ("Službene novine FBiH", broj: 12/03, 34/03 i 65/13),
6. da nisu član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Sl. novine FBiH“, broj: 70/08),
7. da nema privatni i/ili finansijski interes u zdravstvenoj ustanovi u čiji se upravni odbor kandiduje,
8. da nije osuđivan za krivično djelo nespojivo sa imenovanjem u upravni odbor, pet godina od dana pravosnažnosti presude, isključujući vrijeme zatvorske kazne,
9. da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

Posebni uvjeti za imenovanje

1. VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja ekonomskog, pravnog ili zdravstvenog smjera,
2. najmanje 5 godina radnog iskustva u struci,
3. da nije član upravnog odbora, nadzornog odbora ili odbora za reviziju ustanove ili privrednog društva sa većinskim državnim kapitalom,
4. komunikacijske i organizatorske sposobnosti,
5. sposobnost tumačenja ekonomskih i pravnih analiza i propisa,
6. sposobnost upravljanja finansijskim sredstvima i ljudskim resursima.

Potrebni dokumenti

Prijave kandidata na javni oglas treba da sadrže: kraću biografiju, adresu i kontakt telefon. U prijavi na javni oglas kandidati su obavezni naznačiti zdravstvenu ustanovu u čiji upravni odbor se kandiduju.

Uz prijavu na javni oglas kandidati trebaju dostaviti originalne dokumente ili ovjerene kopije dokumenata kao dokaz o ispunjavanju općih i posebnih uvjeta i to:

1. diploma,
2. dokaz o radnom iskustvu na poslovima svoje stručne spreme,
3. uvjerenje o državljanstvu ne starije od 6 mjeseci ili ovjerenu kopiju lične karte,
4. potpisane i ovjerene izjave od strane nadležnog organa iz tačke 3. 4. 5. 6. 7. „Općih uvjeta za imenovanje“ i tačke 3. „Posebnih uvjeta za imenovanje“.

Dokaz da kandidat nije osuđivan za krivično djelo, nespojivo s dužnošću u upravni odbor u koji se kandiduje iz tačke 8. „Općih uvjeta za imenovanje“, Ministarstvo će zatražiti od kandidata koji bude predložen za konačno imenovanje.

Sa kandidatima koji uđu u užu izbor Komisija za izbor će obaviti intervju. Prije intervjua svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

U skladu sa članom 16. Zakona o ministarskim, vladinim i drugim imenovanjima Federacije Bosne i Hercegovine, zainteresirana stranka može podnijeti prigovor na konačno imenovanje.

Prigovor se podnosi ministru zdravstva kao odgovornom javnom službeniku, a kopija prigovora se dostavlja Ombudsmenu za ljudska prava Bosne i Hercegovine, u roku od sedam (7) dana od dana dostavljanja obavijesti kandidatu o izvršenom konačnom imenovanju člana Upravnog odbora JU „Dom zdravlja sa stacionarom“ Olovo, predstavnika Ministarstva zdravstva Zeničko-dobojskog kantona i JU „Aquaterm“ Olovo, predstavnika Ministarstva zdravstva Zeničko-dobojskog kantona.

Lični podaci o podnosiocima prijava mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine („Sl. glasnik BiH“, broj: 49/06, 76/11 i 89/11).

Prijave sa traženim dokumentima se dostavljaju lično ili poštom na adresu Zeničko-dobojski kanton – Ministarstvo zdravstva, Kučukovići br. 2. 72000 Zenica, sa naznakom:

„PRIJAVA NA JAVNI OGLAS ZA IMENOVANJE NA POZICIJU ČLANA UPRAVNOG ODBORA JU „DOM ZDRAVLJA SA STACIONAROM“ OLOVO, PREDSTAVNIKA MINISTARSTVA ZDRAVSTVA - NE OTVARATI“

ili

„PRIJAVA NA JAVNI OGLAS ZA IMENOVANJE NA POZICIJU ČLANA UPRAVNOG ODBORA JU „AQUATERM“ OLOVO, PREDSTAVNIKA MINISTARSTVA ZDRAVSTVA - NE OTVARATI“.

Javni oglas će biti objavljen na službenoj web. stranici Zeničko-dobojskog kantona, dnevnom listu „Dnevni avaz“ i „Službenim novinama Federacije Bosne i Hercegovine“.

Rok podnošenja prijava na javni oglas je 15 dana i počinje teći narednog dana od dana objavljivanja javnog oglasa u „Službenim novinama Federacije Bosne i Hercegovine“.

Neblagovremene i nepotpune prijave će biti odbačene.